

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. केन्द्री मंत्रिमंडल ने केन्द्र सरकार दे मलाज़में ते पेंशनरें लेई मेंहगाई भत्ता ते मेंहगाई राहत च 3 फीसद बाददे गी मंजूरी दिती ऐ।
2. उपमुख्यमंत्री सुरेंद्र चौधरी होरें राजौरी दे कांगड़ी इलाके च महत्वपूर्ण सिड़क परियोजना लेई नीह पत्थर रखेआ।
3. जम्मू-कश्मीर पुलसै बडगाम च कीती गेदी इक बड्डी कार्रवाई दे तैहत बंदिश आहले तहरीक-ए-हुरियत दे दफ्तरें गी अटैच करी दिता ऐ।
4. उत्तर रेलवे ने त्यौहारी रूतै दे मद्देनज़र जम्मू थमां 16 ट्रेनें गी परतियै शुरू करने दा ऐलान कीता ऐ। जम्मू रेलवे स्टेशन च नमें बनाए गेदे फुट-ओवर पुल दा कम्म सबूरा होने आहला ऐ।
5. नरातें दे पवित्र पर्व दरान 1 लक्ख 70 जहार शा मते श्रद्धालुएं श्री माता वैष्णो देवी जी दे दरबार च मत्था टेकेआ ऐ।

<><><><><><>

Cabinet-Decisions

केंद्री मंत्रिमंडल नै केंद्र सरकार दे कर्मचारियें लेई डी.ए ते पेंशनरें ताई डी.आर च 3 प्रतिशत दे बाददे गी मंजूरी दिती ऐ। अज्ज नमीं दिल्ली च कैबिनेट बैठक मगरा मीडिया गी जानकारी दिंदे होई सूचना ते प्रसारण मंत्री अश्विनी वैष्णव होरें आखेआ जे एहदे कन्नै तकरीबन 49 लक्ख 20 जहार केंद्र सरकार दे कर्मचारियें ते 68 लक्ख 70 जहार पेंशनरें गी लाह पुज्जोग। उनें दस्सेआ जे नमीं दर इस बरे दी पैहली जुलाई थमां लागू होग। इस मौके बोलदे होई उनें आखेआ।

<><><><><><>

Dy CM Rajouri

उपमुख्यमंत्री सुरेंद्र चौधरी होरें राजौरी च बेरीपतन तहसील दी कांगड़ी थाहर इक्क मुख्क शिड़क परियोजना दा नीह पत्थर रखेआ। एह शिड़क चक तबेला गी नौबाद थमां सुंदरबनी दे कांगड़ी तगर जोड़ग। एहदे कन्नै इलाकाई संपर्क गी बढ़ावा थहोग। उपमुख्यमंत्री होरें आखेआ जे सरकार ग्रामीण इलाकें च बुनियादी ढांचे दे विकास लेई बचने बज्झी दी ऐ। मकामी लोकें इस गेंs दा सोआगत करदे होई इलाके च तरक्की बाददे बक्खी मते चिरें सवां बलगेआ जा'रदा कम्म दस्सेआ।

<><><><><><>

Budgam Off. Attached

बकखवादी ते गैर कनूनी गतिविधियें पर इक्क बड्डी कार्रवाई करदे होई बडगाम पुलिस नै बंदिशशुदा संगठन तहरीक-ए-हुरियत दे सदर दफ्तर गी गैर कनूनी गतिविधियां रोकथाम अधिनियम यू.ए.पी.ए तैहत कुर्क करी लैता ऐ। एह कार्रवाई राष्ट्र बरोधी तत्वे पर लगाम कस्सने ते खेतर च अमन-रमानदारी बनाए रखने लेई चला करदियें कोश्टें तैहत कीती गई ऐ। अधिकारियें दस्सेआ जे परिसर दा इस्तेमाल यू.ए.पी.ए. दे प्रावधानेंदी खलाफवर्जी करदे होई गैर कनूनी गतिविधियें लेई कीता जा करदा हां इस कार्रवाई कन्ने पुलिस नै राष्ट्री सुरक्षा ते लोके दी हिफाजत गी ठेह पुजाने आहली गतिविधियें च शामिल संगठनें ते औदे मिम्बरें खलाफ सख्त कार्रवाई करने दी अपनी बचनबद्धता गी दोहराया।

<><><><><><>

Sewa Parv Global South

चला करदी टकोहदी श्रृंखला सेवा पर्व तैहत अज्ज अस थोआड़ा ध्यान इस गल्ला पर दोआ करने आं जे मोदी सरकारें किस चाल्ली वैश्विक सांझेदारियें गी ना शड़ा तगड़ा कीता, सगुआं भारत गी विश्व मंच पर इक मजबूत अवाज बी बनाया। प्रधानमंत्री नरेंद्र मोदी हुंदी नुमायंदगी च भारत दी वैश्विक हिस्सेदारी नमियें उंचाइयें पर पुज्जी ऐ ते समूलची दुनिया दे मामलें गी शकल देने च एहदी भूमिका बी मजबूत होई ऐ। ग्लोबल साउथ बकखी भारत दा समर्थन ते अफ्रीकी संघ गी जी-20 च शामिल करने ज्नेई कोश्टां इक्क बहुपक्षी विश्व बकखी औंदी बचनबद्धता गी दस्सदे न। ब्रिक्स क्वाड ते एस.सी.ओ च सक्रिय तौरा पर शामिल होइये भारत सुरक्षा, प्रौद्योगिकी ते आतंकवाद रोधी सहयोग गी बढ़ावा दिंदे होई रणनीतिक खुदमुखतेयारी गी सामा बना करदा ऐ। प्रधानमंत्री मोदी हुंदी दुनिया भर दियें यात्राएं भारत दी अंतरराष्ट्री सांझेदारियें ते असर गी बदाया ऐ।

<><><><><><>

Prog.-Announcement

आकाशवाणी जम्मू दा क्षेत्रीय समाचार एकांश “सेवा पर्व 2025” दे तैहत अपने विशेष कार्यक्रमें दी श्रृंखला दा 8मां ते अखीरी कार्यक्रम वीरवारें 2 अक्टूबर 2025 गी बड्डलै साइडे 9 बजे प्रसारत करने जा’रदा ऐ। 30एं मिन्टे दे इस विशेष कार्यक्रम दा विषय ऐ- “दफा 370 गी खत्म करने दे बाद जम्मू-कश्मीर च बदलाव” । इस कार्यक्रम च स्हाड़े परौहने होडन अनुभवी इतिहासकार, लेखक ते सियासी विश्लेषक प्रो. हरिओम जेहड़े इस विषय दे बकख-बकख पहलुएं पर अपने विचार सांझे करडन। इंदे कन्ने गल्लबात करडन स्हाड़े न्यूज एंकर जगमोहन शर्मा ते आलम खान। एह कार्यक्रम dy वीरवारें 2 अक्टूबर बड्डलै साइडे 9 बजे स्हाड़े इस्सै चैनल मीडियम वेव 303 मीटर यानी 990 किलोहर्ट्स ते ,Q,e 100 इशारिया 3 मैगाहर्ट्स पर प्रसारत कीता जाहग।

Railway-Resumption

त्यौहारी सीजन शा पैहले यात्रुएं गी इक्क बड़्ठी राहत दिंदे होई उत्तर रेलवे नै कल्लै थमां इस म्हीने दी 8 तरीक तगर जम्मू थमां 16 ट्रेनें गी परतिये रम्भ करने दी घोशणा कीती ऐ। इस ब' रै अगस्त म्हीने च आए दे बड़े मते हाईं करियै नेकां मुख् रस्तें च रूकावटां पेई गेइयां हियां जिस कारण एह ट्रेन सेवा आरजी तौरा पर बंद हियां। आकाशवाणी दे जम्मू संवाददाता नै खबर दिती ऐ जे नुकसान पुज्जे दे पुलें दी मरम्मत दा कम्म हुन पूरा होई चुके दा ऐ जिस करियै रेल गड़्डियें दी आओजाई मुमकन होई सकी ऐ। बहाल कीती जा' रदी सेवां च जम्मू तवी कानपुर, गुवाहाटी, सियालदाह, योगनगरी ऋषिकेश ते होर दुइयां सेवां शामिल न। तोआई, जम्मू रेलवे स्टेशन पर नमैं बनाए जा' रदे ओवरब्रिज दा कम्म 70 फीसद शा मता पूरा होई चुके दा ऐ। लिफ्टें ते मती भाशाएं दे बोर्डे आहला एह पुल यात्रुएं दी सुरक्षा ते सखाल गी बदाने च असरदार भूमिका निभाग।

<><><><><><>

Yatra-Darshan

इनें नरातें च अजें तगर 1 लक्ख 70 जहार शा बद्द यात्रु श्री माता वैश्वो देवी दे मंदर च हाजिरी लाई चुके दे न। श्राइन बोर्ड दे मुख् कार्जकारी अधिकारी सचिन कुमार वैश्य होरें इस गल्ला दी जानकारी दिंदे होई आखेआ जे अज्ज महानौमी दे पवित्र मौके पर देस भर थमां भक्त माता वैश्वो दे दर्शनें आस्तै आवा करदे न। बोर्ड नै सब्बनें आस्तै सुरक्षित, सखल्ली ते अरामदेय तीर्थ यात्रा यकीनी करने आस्तै सुद्धे बंदोबस्त कीते देन। रंगीन फुल्लें कन्नै कीती गेदी सजावट गी दिक्खियै यात्रुएं आखेआ जे एहदे कन्नै उंदी यात्रा यादगीर बनी गेई ऐ। आकाशवाणी समाचार कन्नै गल्ल करदे होई श्री माता वैश्वो देवी अस्थापन बोर्ड दे सी.ई.ओ सचिन कुमार वैश्य होरें आखेआ।

<><><><><><>

GST-Handicraft

अगली पीढ़ी दे जीएसटी सुधारें तैहत सरकारै बपारियें कारीगरें ते गाहकें प महंगाई दा भार घट्ट करने दे मकसद कन्नै हस्तशिल्प क्षेत्र च टैक्स दियें दरें गी घट्ट कीता ऐ। चीनी मिट्टी दे भांडे-बर्तनें, सने टेराकोटा ते रसोई दे होरनें भांडें पर जीएसटी दी दर 12 प्रतिशत थमां घटाइयै 5 प्रतिशत करी दिती ऐ। मूर्तियें, सजावटी चीनी मिट्टी ते नीली मिट्टी दे भांडे, शीशें ते एहदे कन्नै बनी दियें कलाकृतियें पर जीएसटी हुन 5 प्रतिशत ऐ। पैहले एहदी दर 12 प्रतिशत ही। इस गेंs दा मकसद लोइचदियें घरेलू चीजें-बस्तें गी मता किफायती बनाना ते भारत दे रिवायती हस्तशिल्प दी मंग गी बढ़ावा देना ऐ जेदे कन्नै कारीगरें गी प्रोत्साहन थहोग ते देस भरै दे विरासती शिल्प बजारें गी मजबूती मिलोग। जम्मू-कश्मीर च लोकें इस गेंs दी सराहना कीती ते आखेआ।

<><><><><><>

Poonch-Sanitation

सफाई-सुथराई गी बढावा देने आहली इक्क सराहनीय कोश्ट च पुंछ दे डी.सी अशोक कुमार हुंदी नुमायंदगी च जिला प्रशासन नै सफाई कर्मचारियें ते स्कूली बच्चें गी स्वच्छता दूत नियुक्त कीता ऐ। सेवा पर्व अभियान तैहत इस पहल दा मकसद लोकें च सफाई-सुथराई बक्खी जागरूकता बढाना ऐ। पुंछ दे उपायुक्त होरें सफाई कर्मचारियें दी साफ-सुथरे शहर दी रीढ़ दे तौरा पर तरीफ कीती। उनें नागरिक जिम्मेदारियें च विद्यार्थियें दी हिस्सेदारी बढाने पर जोर भरेआ। श्री शर्मा होरें इक्क बारी इस्तेमाल होने आहली प्लास्टिक दा घट्ट इस्तेमाल करने दी अपील कीती। आकाशवाणी समाचार कन्ने गल्ल करदे होई उनें आखेआ।

<><><><><><>

Weather

मौसम विभाग ने औंदी 5 ते 6 अक्टूबर बश्कार जम्मू-कश्मीर च उच्चिणं धारें पर इस रूतें दी पैहली बर्फबारी दी भविक्खवाणी कीती ऐ ते इस दरान दिनै दे तापमान च बी खरी मती गिरावट दर्ज कीती जाहग। आकाशवाणी दे जम्मू संवाददाता दी रिपोर्ट मूजब, औंदी 4 अक्टूबर तगर मौसम आमतौर पर खुशक गै रौहग ते 4 तरीग गी चिरें स'झां हौली बरखा बरने ते अंधी-झक्खड़ झुलने दे असार बी हैन। एहदे परैन्त 5 ते 7 अक्टूबर तगर मौसम बदलोखड़ा होने ते हौली थमां दरम्याने दर्जे दी बरखा बरने दी मेद ऐ। इस्सै दरान कश्मीर घाटी सने, चिनाब घाटी ते मरगन टॉप ज्नेय पहाड़ी दरें च बर्फबारी दे बी असार न। मौसम विभाग ने इस अवधि दरान केईं थाहें पर ल्हास-पस्सियां ते कुप्पड़ पौने दे खतरे बारे बी खबरदार कीता ऐ।

<><><><><><>